



Uunga siunnersuut: Piniarneq aallaaniarnerlu pillugit Inatsisartut inatsisaat nr. xx, xx. xxx 2019-imeersoq.
(Aalisarnermut, Piniarnermut Nunalerinermullu Naalakkersuisoq)
(Siullermeerneqarnera)

Demokraatit piniarneq aallaaniarnerlu pillugit inatsisartut inatsisissatut siunnersuummut oqallinnermut imatut ilassutissaqarput.

Malittarisassat amerlanerit inatsisini atuutereertuni ingerlatsitseqqinnerungaluartut Demokraatiit oqaaseqarfigilaarusuppagut.

Tamatta akisussaaffeqarpugut pisuussutigut uumassusillit akisussaaffeqartumik paarilluarnissaannik, taamaalilluta kinguaatta piniagassaqaarnissaat qulakkeersinnanngorlugu.

Ilutigalugu pisuussutigut uumassusillit suliffinnik pilersitseqataanissaat inuiaqatigiinnilu aningaasasiornermut iluaqutaanerpaamiitinnissaat pisariaqarpoq.

Pissusissamisoortumik nungusaataanngitsumillu nunatta piniagassatigut pisuussutaanik atuneq, inatsisini atuuttutuni nutarterinermi tulluurtumik nassuiarneqartariaqarnera tupinnanngitsumik Demokraatit isumaqataaffigivaat, taamaalissukkullu aningaasarsiornermi suliffissaqartitsiniarnikkullu qularnaarinissaq pisariaqarluni.

Demokraatit aammattaq pingaartippaat pisuussutigut uumassusillit atorneqaarnissai eqqartorneqartillugit atuisut ilisimasaat ilanngunneqassammata. Tamanna Demokraatit oqaluttarfitsinniik pingaartillugu oqaatigisarsimavarput.

Taamaammat nuannaarnarpoq piniakkat ingerlatsivigineranni atuisut ilisimasaannik annertunerusumik ilanngussisoqartarnissaa, tak. siunnersuummi § 2, imm. 2, taamatuttaarlu akisussaaffinnik kommuninut tunniussinermi, tak. § 4.

Demokraatilli maluginiarpaat inatsimmi atuuttumut allannguutissani immikkoortoq ataaseq nutarterneqartussaannngimmat. Tassani pineqarmat pisuussutinik uumassusilinnik atuisuni sillimaniarneq.

Demokraatit isumaqarput KNAPK akisussaaffilerujuttut pissusilersortoq nammineerlutik kissaatigisimammassuk inatsimmi piumasaqaataassasoq sillimaniarnerup tungaatigut atuisut piumaffigineqarnissaannik piumasaqaateqartoqassasoq. Tusarniaanermi KNAPK siunnersuuteqarpoq inatsimmi sillimasiinermut sillimaniarnermilu atortunut piumasaqaateqartoqassammata.



Demokraatit isumaqarput siunnersuut sillimaniarnermut atortunut sillimmasiisarnermullu piumasqaatitalik uani inatsimmi inatsisiniluunniit allatut malittarisassiunneqassasoq. VHF-inik, GPS-inilluunniit peqarnissamut piumasqaateqarneq inuit inuunerannik annaassinermik kinguneqaratarsinnaavoq, taamaalillunilu annanniaalluni ujaarlerarnerit inuiaqatigiinnut akisoqutaaqisut pineveersaarneqarsinnaallutik.

Taamatut oqaaseqalaaginnarluta Demokraatinit siunnersuummut tunngaviusumik tapersiinerput nalunaarutigussuarput, siunnersuullu ataatsimiititaliamut ingerlateqqippaparput, tassuunakkut qanoq pisuussutininik uumassulilinnik atuisunut sillimaniarneq pitsaanerpaamiitinniissaa nalilersorneqqullugu.